

GAMBAR  
BERUKURAN  
PASSPORT  
(DILEKAT)



SETEM HASIL  
RM 10  
(DIMATIKAN DI  
LHDN)

**PERJANJIAN BIASISWA PENDIDIKAN ZAKAT PULAU PINANG – KITAB  
BAGI  
SEMESTER 2 SESI 2023/2024**

ANTARA

---

(NAMA PELAJAR DAN NOMBOR KAD PENGENALAN)

DAN

---

(NAMA PENJAMIN DAN NOMBOR KAD PENGENALAN)

DAN

**KOLEJ ISLAM TEKNOLOGI ANTARABANGSA (KITAB) PULAU PINANG**

BERTARIKH PADA \_\_\_\_ HARI BULAN \_\_\_\_ TAHUN \_\_\_\_

## PERJANJIAN BIASISWA PENDIDIKAN ZPP-KITAB

### KOLEJ ISLAM TEKNOLOGI ANTARABANGSA (KITAB) PULAU PINANG

PERJANJIAN INI dibuat ANTARA :

Pelajar yang mana, nama dan maklumat terperinci seperti yang dinyatakan di Perkara 1 Jadual I Perjanjian ini (selepas ini disebut "Pelajar") sebagai Pihak Pertama.

DAN

KOLEJ ISLAM TEKNOLOGI ANTARABANGSA (KITAB) PULAU PINANG adalah merupakan sebuah Institusi Pendidikan Tinggi yang ditubuhkan di bawah Akta Pendidikan Tinggi Swasta, 1996 yang beralamat di Kompleks Masjid Negeri, 11400 Georgetown, Pulau Pinang (selepas ini dirujuk sebagai "KITAB") sebagai Pihak Kedua.

DAN

Penjamin yang mana, nama dan maklumat terperinci seperti yang dinyatakan di Perkara 5 Jadual I Perjanjian ini (selepas ini disebut sebagai "Penjamin") sebagai Pihak Ketiga.

Pihak Pertama, Pihak Kedua dan Pihak Ketiga secara kolektifnya akan dirujuk sebagai "Pihak Perjanjian".

ADALAH MENYAKSIKAN seperti berikut :-

BAHAWASANYA PELAJAR yang sedang mengikuti program Diploma (selepas ini dirujuk sebagai "Program") telah memohon kepada KITAB untuk suatu Biasiswa Pendidikan Negeri Pulau Pinang bagi maksud membiayai Program yang diikuti di KITAB dan bersetuju dengan segala terma dan syarat yang telah ditetapkan oleh KITAB. KITAB telah bersetuju untuk memberikan Biasiswa Pendidikan Zakat Pulau Pinang – KITAB tersebut (selepas ini dirujuk sebagai "Biasiswa") dengan syarat-syarat dan terma-terma yang terkandung kemudian daripada ini.

BAHAWASANYA KITAB akan menganugerahkan Biasiswa kepada pelajar KITAB yang layak tertakluk kepada terma-terma dan syarat-syarat yang dinyatakan dalam Perjanjian ini dan sebagai balasan kepada Biasiswa oleh KITAB, Pelajar berakujanji dan berwaad serta terikat dengan obligasi yang terakru dalam Perjanjian ini.

BAHAWASANYA BIASISWA yang dianugerahkan adalah secara terperinci dijelaskan dalam Jadual III Perjanjian ini.

DAN BAHAWASANYA PENJAMIN telah bersetuju untuk menjamin pelaksanaan oleh Pelajar terhadap kewajipan dan tanggungan-tanggunggannya dibawah Perjanjian ini dan selanjutnya telah bersetuju untuk

.....  
Tandatangan Pelajar

.....  
Tandatangan Penjamin

melepaskan tanggungan KITAB terhadap apa-apa jua yang mungkin ditanggungnya akibat daripada kemungkiran oleh Pelajar terhadap Perjanjian ini atau mana-mana bahagian daripadanya.

MAKA ADALAH DENGAN INI DIPERSETUJUI DAN DIAKUI oleh kesemua Pihak Perjanjian berkenaan perkara-perkara berikut :-

## 1. TANGGUNGJAWAB PELAJAR

Pelajar dengan ini disyaratkan dan diwajibkan :-

- a) Mengambil dan dengan bersungguh-sungguh meneruskan kursus Program atau latihan dan menduduki atau mengambil semua ujian atau peperiksaan yang disyaratkan dalam Program DALAM TEMPOH MASA YANG DITETAPKAN dalam Jadual I Perjanjian ini atau tempoh yang lebih lanjut sebagaimana yang diluluskan oleh KITAB.
- b) Akur dan terikat bahawa Biasiswa ini akan bermula pada tarikh ia diluluskan oleh KITAB dan berakhir pada tempoh yang ditetapkan dalam Jadual I Perjanjian ini dan hanya membiayai perbelanjaan dan kos sepertimana dinyatakan di Jadual III Perjanjian ini, TIDAK TERMASUK Yuran Ulangan Program, Yuran Ulangan Peperiksaan, Yuran Program dan Yuran Asrama bagi tempoh yang telah melebihi Tempoh Biasiswa sepertimana ditetapkan dalam Jadual I Perjanjian ini. Kelayakan yang ditetapkan adalah berdasarkan jadual insentif bayaran sebagaimana dinyatakan dalam Jadual II Perjanjian ini.
- c) Memberikan komitmen dan mengambil bahagian dalam setiap aktiviti atau program yang dimestikan ke atasnya yang disediakan oleh KITAB.
- d) Tidak boleh menukarkan Programnya tanpa kebenaran bertulis daripada KITAB.
- e) Mengekalkan prestasi yang baik dan mencapai sekurang-kurangnya Purata Nilai Gred Semasa (selepas ini dirujuk sebagai "PNG") sebagaimana yang dinyatakan dalam Jadual II Perjanjian ini bagi melayakkan Pelajar mendapat Biasiswa pada semester berikutnya. Sekiranya Pelajar gagal mendapat PNG sebagaimana yang dinyatakan dalam Jadual II Perjanjian ini, maka Biasiswa Pelajar untuk semester berikutnya akan ditarik balik atau digantung sehingga Pelajar berjaya menaikkan kembali PNG sebagaimana yang ditetapkan. Semasa dalam tempoh penggantungan atau penarikan balik Biasiswa atas sebab yang dinyatakan di atas, tanggungjawab membayar segala kos berkaitan yang dibiayai dibawah Biasiswa termasuk kos-kos diluar tanggungan Biasiswa adalah dibawah tanggungan Pelajar dan Penjamin sendiri.
- f) Tidak akan memohon atau menerima apa-apa Biasiswa, Tajaan, Pinjaman atau apa-apa Bantuan Kewangan daripada pihak lain selain KITAB dengan tujuan untuk meneruskan Program di KITAB melainkan dengan kebenaran bertulis KITAB.
- g) Akan patuh kepada apa-apa pekeliling dan peraturan termasuk peraturan tatatertib yang berkuatkuasa di KITAB.

.....  
Tandatangan Pelajar

.....  
Tandatangan Penjamin

- h) Tidak akan melanggar Tatasusila Syariah Islam atau etika yang bercanggah dengan Hukum Syara'.
- i) Tidak melakukan sebarang jenayah sivil, jenayah syariah termasuk salah laku tata tertib dalam apa jua cara sekali pun. KITAB berhak membatalkan Biasiswa Pelajar dengan serta merta sekiranya terdapat sebarang sabitan berkaitan salah laku jenayah, sivil, syariah atau salah laku tata tertib terhadap Pelajar atau Pelajar diambil tindakan muflis.
- j) Tidak boleh mengambil bahagian dalam apa-apa kegiatan yang difikirkan oleh KITAB tidak selaras dengan kepentingan Pelajar, kepentingan KITAB atau Negeri Pulau Pinang atau Malaysia dan apabila Pelajar diberitahu oleh pihak KITAB tentang perkara yang tersebut hendaklah berhenti dengan serta merta daripada mengambil bahagian selanjutnya.
- k) Tidak boleh memegang apa-apa jawatan dalam apa-apa pertubuhan atau kumpulan orang luar tanpa terlebih dahulu mendapat kelulusan bertulis daripada pihak KITAB mengikut budibicara mutlakanya, boleh memberi atau tidak memberi kelulusan itu.
- l) Tidak boleh menjadi ahli atau mengambil bahagian dalam kegiatan atau apa-apa pertubuhan, badan atau kumpulan orang yang tujuan atau kegiatan-kegiatan itu boleh ditafsirkan sebagai bercorak politik tanpa terlebih dahulu mendapat kelulusan bertulis daripada pihak KITAB.
- m) Tidak boleh mengambil apa jua bahagian dalam sesuatu penghasutan atau tunjuk perasaan / demonstrasi di mana-mana tempat oleh apa-apa pertubuhan, badan atau kumpulan orang atau menyedia, mencetak atau mengedarkan dengan apa-apa cara atau mengambil apa jua bahagian dalam menyedia, mencetak atau mengedarkan sesuatu dokumen atau lain-lain bahan yang mengandungi unsur-unsur penghasutan atau tunjuk perasaan / demonstrasi di mana-mana tempat yang pada pendapat KITAB adalah memudaratkan kepentingan kerajaan Negeri Pulau Pinang, Kerajaan Malaysia atau Institusi Pendidikan.
- n) Tidak boleh membuat apa-apa kenyataan di sesuatu perhimpunan mana-mana kumpulan orang di mana-mana tempat yang pada pendapat KITAB adalah memudaratkan kepentingan kerajaan Negeri Pulau Pinang, Kerajaan Malaysia atau Institusi Pendidikan.
- o) Memastikan bahawa Pelajar tidak akan disabitkan atas apa-apa kesalahan yang boleh mengakibatkan Pelajar ditamatkan Pengajian atau dibuang KITAB.
- p) Akan menamatkan Program dalam tempoh yang telah ditetapkan oleh KITAB iaitu paling maksima adalah MERUJUK KEPADA JADUAL I (PROGRAM PENGAJIAN, JUMLAH TAJAAN BIASISWA KESELURUHAN DAN TEMPOH BIASISWA) kecuali kes tertentu dengan kebenaran bertulis KITAB. Sekiranya gagal dalam mana-mana semester, pihak KITAB berhak menamatkan Biasiswa dan Program.
- q) Disyaratkan dan diwajibkan menyambung atau melanjutkan pembelajaran pada peringkat Diploma di KITAB sehingga tamat tempoh pengajian.

.....  
Tandatangan Pelajar

.....  
Tandatangan Penjamin

## 2. BIASISWA PENDIDIKAN

- a) Jumlah Tajaan Biasiswa Keseluruhan adalah sepertimana yang dinyatakan di Perkara 3 Jadual I Perjanjian ini.
- b) Biasiswa ini termasuk **Yuran Pengajian Program sahaja** sepertimana **diperincikan dalam Jadual III** Perjanjian ini.
- c) Insentif pembiayaan Biasiswa adalah berdasarkan kelayakan yang telah ditetapkan sebagaimana yang dinyatakan di Jadual II Perjanjian ini

## 3. TEMPOH KUATKUASA

- a) Tempoh Biasiswa adalah sepertimana yang dinyatakan Perkara 4 Jadual I Perjanjian ini.
- b) Tempoh kuatkuasa Perjanjian ini adalah daripada tarikh Biasiswa diluluskan sehingga tamat pengajian pada peringkat Diploma di KITAB.

## 4. TANGGUNGJAWAB PENJAMIN

### 4.1 Syarat-syarat Penjamin adalah seperti berikut :

- a) Warganegara : Penjamin dan saksi mestilah warganegara Malaysia yang bermastautin di Malaysia.
- b) Had Pendapatan / Umur : Penjamin mestilah berpendapatan sama ada bekerja makan gaji atau bekerja sendiri dan tidak muflis. Had umur adalah TIDAK KURANG daripada dua puluh satu (21) tahun.
- c) Hubungan Dengan Pelajar : Penjamin hendaklah terdiri daripada ibu atau bapa atau penjaga Pelajar atau individu yang mempunyai pertalian persaudaraan atau tidak dengan Pelajar.
- d) Bukan muflis, tiada rekod jenayah dan tiada tindakan mahkamah.
- e) Waras.

### 4.2 Adalah dipersetujui dan diakui oleh Penjamin seperti berikut :

- a) Bahawa Penjamin memahami kesan dan liabiliti sebagai Penjamin dan bersetuju bersama dan berasingan untuk bertanggungjawab terhadap pelaksanaan segala terma-terma dan syarat-syarat oleh Pelajar yang terkandung dalam Perjanjian ini dan selanjutnya.
- b) Bahawa jika pada bila-bila masa berkuatkuasanya Perjanjian ini, Penjamin :
  - Meninggal dunia.
  - Gila atau tidak waras.

.....  
Tandatangan Pelajar

.....  
Tandatangan Penjamin

- Tidak lagi menetap di Malaysia.
- Berada di luar Malaysia untuk satu tempoh lebih daripada dua belas (12) bulan berturut-turut.
- Akan diadjudikasi menjadi muflis atau bankrap.
- Apa-apa keadaan yang menggugurkan kelayakan sebagai Penjamin.

Pelajar hendaklah dalam tempoh tidak melebihi TIGA PULUH (30) HARI daripada tarikh berlakunya keadaan-keadaan di atas (yang mana terawal) bagi mendapatkan seseorang mengikut mana yang berkenaan, yang sedia dan bersetuju untuk terikat dengan Perjanjian ini selaku Penjamin untuk menggantikan tempat Penjamin yang perlu digantikan tersebut (selepas ini dirujuk sebagai "Penjamin Gantian") dan memaklumkan kepada pihak KITAB untuk tindakan lanjut dan disetujui terima oleh KITAB sebagai Penjamin Gantian.

c) Sekiranya berlaku perkara seperti di bawah :

- Jika Pelajar enggan dan / atau gagal dalam masa yang ditetapkan untuk mendapatkan Penjamin Gantian.
- Jika Penjamin Gantian tidak sedia dan / atau tidak bersetuju untuk terikat dengan keseluruhan Perjanjian ini atau mana-mana bahagiannya. Maka KITAB boleh pada bila-bila masa selepas itu berhak membatalkan Perjanjian ini tanpa sebarang liabiliti dan tanpa memberi gantirugi atau pampasan kepada Pelajar dan / atau Penjamin atau mana-mana pihak ketiga dan Pelajar tidak lagi mempunyai apa-apa tuntutan ke atas apa-apa kos di bawah Perjanjian ini.

## 5. TEMPOH IKATAN WAJIB

- a) Pelajar adalah terikat dengan tempoh ikatan dengan KITAB sebagai balasan kepada Biasiswa yang telah diberikan oleh pihak KITAB iaitu WAJIB menghabiskan pengajian di KITAB dalam tempoh yang ditetapkan. Sekiranya melebihi tempoh maksima pengajian yang ditetapkan, semua kos-kos tambahan ditanggung sendiri oleh pelajar (selepas ini dirujuk sebagai "Pengajian") pada sesi kemasukan terdekat dan wajib menyempurnakan Pengajian tersebut (selepas ini dirujuk sebagai "Tempoh Ikatan Wajib").
- b) Pelajar tidak dibenarkan menangguh kemasukan KECUALI dengan kebenaran bertulis daripada pihak KITAB dan tidak melebihi satu sesi kemasukan.

## 6. PENAMATAN PERJANJIAN

Tanpa menjejaskan mana-mana syarat, terma dan peruntukan dalam Perjanjian ini, Perjanjian ini boleh ditamatkan seperti berikut :

- a) Permohonan penamatan Biasiswa oleh Pelajar

.....  
Tandatangan Pelajar

.....  
Tandatangan Penjamin

Penamatan awal terhadap Perjanjian ini boleh dilakukan oleh Pelajar dengan memberi notis permohonan penamatan bagi keadaan berikut :

- Dalam tempoh Program dengan memberi notis permohonan penamatan kepada KITAB Biasiswa

ATAU

- Dalam Tempoh Ikatan Wajib dengan memberi notis permohonan penamatan kepada KITAB

KITAB berhak dengan budi bicara mutlaknya untuk membuat keputusan terhadap permohonan penamatan oleh Pelajar bagi keadaan yang dinyatakan di Klausula 6. a) di atas.

Sekiranya Pelajar melanggar atau tidak mematuhi atau gagal melaksanakan mana-mana syarat atau tanggungjawab di atas atau mana-mana terma dan syarat dibawah mana-mana Klausula dalam Perjanjian ini, KITAB berhak menurut budi bicara mutlaknya untuk membuat keputusan seperti berikut :

- Menggantung atau menahan Biasiswa sehingga syarat atau terma yang tidak dipatuhi tersebut telah direktifikasikan oleh Pelajar dalam tempoh Program.

ATAU

- Menamatkan Perjanjian ini dengan memberi notis kepada Pelajar berdasarkan keadaan penamatan tanpa liabiliti dan tidak bertanggungjawab memberi ganti rugi atau pampasan kepada Pelajar dan / atau Penjamin atau mana-mana pihak ketiga. Pelajar dan / atau Penjamin tidak lagi mempunyai apa-apa hak tuntutan ke atas KITAB bagi apa-apa kos dibawah Perjanjian ini.

b) Penamatan Perjanjian disebabkan oleh Pelajar meninggal dunia

Penjamin atau waris Pelajar hendaklah memaklumkan kepada pihak KITAB secara bertulis kematian Pelajar dalam kadar segera dengan melengkapkan borang makluman kematian dan disertakan salinan sijil kematian pelajar.

## 7. KESAN PENAMATAN

a) Kesan penamatan Biasiswa oleh Pelajar

Kesan daripada penamatan perjanjian maka tergugur ikatan perjanjian ini dan tiada sebarang denda yang akan dikenakan.

b) Kesan penamatan kerana Pelajar meninggal dunia

Sekiranya pelajar meninggal dunia maka tergugur ikatan perjanjian ini.

.....  
Tandatangan Pelajar

.....  
Tandatangan Penjamin

## 8. PEMAKAIAN DAN TINDAKAN UNDANG-UNDANG

Sekiranya Pelajar ingkar berdasarkan Klausa 1 di atas yang ditentukan KITAB, pihak KITAB berhak untuk mengambil tindakan undang-undang ke atas Pelajar dan / atau Penjamin tanpa rujukan lanjut kepada Pelajar dan / atau Penjamin kesan daripada pelanggaran terma dan syarat Perjanjian ini oleh Pelajar. Kos berkaitan yang terakru termasuk kos guaman adalah dibawah tanggungan Pelajar dan / atau Penjamin.

## 9. PEMBACAAN DOKUMEN-DOKUMEN LAIN

Pihak Perjanjian bersetuju bahawa Surat Tawaran Pengajian (atau seumpama dengannya), Surat Tawaran Biasiswa dan mana-mana dokumen berkaitan Biasiswa dan Jadual-Jadual yang dinyatakan dalam Perjanjian ini hendaklah dibaca bersama dan membentuk sebahagian daripada Perjanjian ini.

## 10. GANTI RUGI

Pelajar berakujanji akan menanggung rugi dan memberi pampasan, melindungi dan mempertahankan KITAB dan wakil-wakilnya daripada dikenakan atau terdedah kepada apa-apa denda, penalti, kerugian, tindakan, tuntutan dan / atau tanggungan yang timbul daripada perbuatan atau kesalahan Pelajar ketika menjalani Program atau dalam tempoh kuatkuasa Perjanjian ini.

## 11. REPRESENTASI DAN WARANTI

Pihak Perjanjian dengan ini memberi waranti dan mengakui bahawa Perjanjian ini sah dari segi undang-undang dan menjadi obligasi yang mengikat setiap pihak berdasarkan terma-terma dan syarat-syarat dalam Perjanjian ini.

Pelajar dan / atau Penjamin memberi jaminan bahawa pelaksanaan semua terma dan syarat yang terkandung dalam Perjanjian ini adalah dibawah tanggungjawab Pelajar dan serta tidak melanggar mana-mana undang-undang, peraturan, dekri, perintah, kebenaran atau apa-apa kontrak atau mana-mana larangan yang tertakluk ke atas Pelajar atau mana-mana harta atau asetnya yang akan mengganggu-gugat kemampuan Pelajar untuk melaksanakan tanggungjawabnya dibawah Perjanjian ini.

## 12. NOTIS-NOTIS

- a) Pelajar dan / atau Penjamin hendaklah memberikan kepada KITAB alamat mereka yang terkini (selepas ini disebut "alamat terakhir yang diketahui") untuk tujuan penyampaian apa-apa dokumen atau notis yang berkaitan dengan Perjanjian ini. Penyampaian apa-apa dokumen atau notis dibawah Perjanjian ini dianggap efektif sekiranya ia disampaikan ke alamat terakhir yang diketahui.
- b) Apa-apa notis atau maklumat yang diperlukan atau diberikan kuasa oleh Perjanjian ini untuk diberikan di antara Pihak Perjanjian kepada masing-masing hendaklah dimajukan juga kepada pengetahuan Penjamin.

.....  
Tandatangan Pelajar

.....  
Tandatangan Penjamin



- c) Apa-apa notis atau maklumat yang diperlukan atau diberikan kuasa oleh Perjanjian ini untuk diberi kepada mana-mana pihak di sini kepada pihak yang lain ke alamat terakhir yang diketahui hendaklah diberikan dengan cara :
- Serahan tangan.
  - Serahan pos berdaftar.
  - Serahan menggunakan transmisi faksimili.
  - Lain-lain komunikasi yang dipersetujui bersama.
- d) Apa-apa notis atau maklumat lain yang dihantar melalui pos yang tidak dipulangkan kembali kepada pengirimnya dengan tanda “tidak sampai” hendaklah dianggap sampai ke tangan penerima pada hari keempat belas (14) selepas tarikh mengepos ke alamat terakhir yang diketahui dan dianggap sebagai bukti yang kukuh bahawa notis tersebut atau maklumat lain itu telah selamat diterima.
- e) Jika apa-apa notis atau maklumat lain dihantar melalui transmisi faksimili atau apa-apa yang menyamainya maka ia hendaklah dianggap telah selamat dihantar pada tarikh transmisi tersebut, dengan syarat sesalinan notis atau maklumat susulan tersebut telah dihantar kepada penerima tersebut ke alamat terakhir yang diketahui dalam masa tujuh (7) hari selepas transmisi.
- f) Sebarang perubahan alamat surat menyurat Pelajar dan / atau Penjamin hendaklah dimaklumkan secara bertulis dalam kadar segera tanpa sebarang kelewatan yang disengajakan kepada KITAB.

### 13. LAIN-LAIN

- a) Tempoh Masa  
Masa yang dinyatakan di mana-mana dalam Perjanjian ini hendaklah dianggap sebagai intipati kepada Perjanjian ini.
- b) Keseluruhan Perjanjian  
Perjanjian ini termasuklah apa-apa jadual atau lampirannya yang berkaitan dengan apa-apa perkara dalam Perjanjian ini membentuk keseluruhan perjanjian di antara Pihak Perjanjian. Perjanjian ini mengatasi semua perjanjian dan aturan yang telah dibuat sebelum daripada ini (sama ada secara bertulis atau lisan) di antara Pihak Perjanjian. Tiada sebarang perjanjian, terma, syarat atau obligasi yang akan digunapakai (sama ada secara lisan atau bertulis dan sama ada yang telah dinyatakan secara tersurat atau tersirat) KECUALI apa-apa yang telah dinyatakan dengan jelas dalam Perjanjian ini dan sebarang pengubahsuaian atau pemindaan yang dilakukan secara bertulis oleh KITAB atau Pelajar dan / atau Penjamin (dengan kebenaran dan persetujuan KITAB). Jika terdapat konflik di antara Perjanjian ini dengan mana-mana Jadual atau lampiran, terma-terma dalam Perjanjian ini akan mengatasi dan diutamakan.
- c) Pengasingan  
Jika terdapat mana-mana klausa dalam Perjanjian ini didapati tidak sah dari segi undang-undang atau terbatal atau tidak boleh dikuatkuasakan, mana-mana salah satu daripada keadaan tersebut tidak akan memberi kesan kepada mana-mana klausa lain dalam Perjanjian ini.

.....  
Tandatangan Pelajar

.....  
Tandatangan Penjamin

- d) Pindaan  
KITAB berhak meminda atau mengubahsuai apa-apa terma atau syarat dalam Perjanjian ini tanpa memerlukan persetujuan daripada Pelajar dan / atau Penjamin. Walau bagaimanapun, KITAB mempunyai obligasi dibawah Perjanjian ini untuk memaklumkan secara bertulis sebarang pindaan daripada semasa ke semasa terhadap Perjanjian ini kepada Pelajar dan / atau Penjamin.
- e) Penyerahan Hak  
Pelajar dan / atau Penjamin tidak boleh menyerah hak, memindah milik atau memusnahkan mana-mana hak dan obligasinya dalam Perjanjian ini tanpa mendapat izin secara bertulis daripada KITAB terlebih dahulu. KITAB walau bagaimanapun, boleh menyerah hak, mengganti atau memindah milik semua atau sebahagian hak dan obligasinya dalam Perjanjian ini kepada mana-mana ejen atau wakilnya yang diberi kuasa walaupun tanpa mendapat keizinan daripada Pelajar dan / atau Penjamin. Sehubungan itu, KITAB mempunyai obligasi dibawah Perjanjian ini untuk memaklumkan secara bertulis apa-apa yang berkenaan hal ini kepada Pelajar dan / atau Penjamin.
- f) Kos Duti Setem  
Kos duti setem Perjanjian ini adalah dibawah tanggungan Pelajar dan / atau Penjamin.
- g) Perjanjian Mengikat  
Perjanjian ini adalah mengikat Pihak Perjanjian, penerima serahan hak dan penama-penama yang diberikuasa oleh KITAB dan mengikat Pelajar dan / atau Penjamin termasuklah (tetapi tidak terhad kepada) pewaris, pemegang amanah, pelaksana dan pentadbir harta masing-masing.
- h) Tiada Perkongsian  
Perjanjian ini hendaklah tidak ditafsirkan sebagai membentuk apa-apa perkongsian atau tiada pihak pun yang mempunyai kuasa untuk melakukan apa-apa transaksi dengan tujuan untuk mengikat pihak yang lain.
- i) Pengetahuan  
Pengetahuan atau akuisens oleh mana-mana pihak di sini mengenai apa-apa kemungkiran terhadap mana-mana syarat atau terma yang terkandung dalam Perjanjian ini tidak akan dianggap sebagai pelepasan terhadap semua syarat dan / atau terma tersebut atau sebahagian daripadanya. Pengetahuan atau akuisens tersebut tidak akan menghalang kedua-dua pihak di sini untuk menuntut hak masing-masing dalam Perjanjian ini dan / atau untuk menuntut supaya pihak yang satu lagi mematuhi dan melaksanakan syarat-syarat dan terma-terma yang terkandung dalam Perjanjian ini.
- j) Pemakaian Undang-Undang  
Perjanjian ini hendaklah ditadbir atau ditafsir dalam segenap aspek mengikut undang-undang Malaysia. Sekiranya terdapat apa-apa pertikaian atau tuntutan yang timbul dibawah Perjanjian ini tidak berjaya diselesaikan melalui perbincangan di antara kedua-dua pihak dalam tempoh tiga puluh (30) hari atau dalam tempoh lain yang disepakati bersama dari tarikh pertikaian tersebut berlaku atau mana-mana yang relevan, maka pihak-pihak di sini bersetuju untuk menyelesaikannya mengikut bidang kuasa eksklusif mahkamah-mahkamah di Malaysia.

.....  
Tandatangan Pelajar

.....  
Tandatangan Penjamin

**PERAKUAN DAN AKUJANJI PELAJAR**

Dengan ini saya mengaku bahawa saya sudah membaca dan memahami semua isi kandungan Perjanjian ini dan sesungguhnya berwaad dan berakujanji bahawa saya akan mematuhi segala terma dan syarat Perjanjian ini serta peraturan-peraturan dan arahan-arahan yang dikeluarkan dan dikuatkuasakan oleh pihak KITAB daripada semasa ke semasa sepanjang tempoh kursus Program saya dan / atau pengajian peringkat Diploma di KITAB.

Saya juga memahami bahawa sekiranya saya melanggar atau tidak mematuhi mana-mana terma dan syarat dalam Perjanjian ini, pihak KITAB berhak menamatkan Perjanjian ini.

Saya dengan ini menurunkan tandatangan saya sepertimana dibawah bagi menyaksikan segala terma dan syarat Perjanjian ini dan akur dengan tanggungjawab dan obligasi yang bertanggung ke atas saya dan juga Penjamin saya dibawah Perjanjian ini.



.....  
Tandatangan Pelajar

.....  
Tandatangan Penjamin

**JADUAL I : RINGKASAN PINJAMAN**

(Perlu dibaca bersama dan sebahagian daripada Perjanjian ini)

RINGKASAN PINJAMAN		
BIL.	PERKARA	BUTIRAN
1	Nama Pelajar	
	Nombor Kad Pengenalan Pelajar	
	Program Pengajian Pelajar	<b>DIPLOMA PENGURUSAN HALAL</b>
	Alamat Pelajar	
	Nombor Telefon Pelajar	
	Nombor Telefon Bapa / Penjaga	
	Nombor Telefon Ibu	
2	Kategori Biasiswa	<b>KATEGORI KEDUA : K4(ii)</b>
3	Jumlah Biasiswa Keseluruhan	<b>RM 7,990.00</b>
4	Tempoh Biasiswa	<b>SEMESTER 1 – SEMESTER 7 DISEMBER 2023 – DISEMBER 2025</b>
5	Nama Penjamin	
	Nombor Kad Pengenalan	
	Alamat Penjamin	
	Nombor Telefon Penjamin	
	Hubungan Penjamin Dengan Pelajar	

.....  
Tandatangan Pelajar.....  
Tandatangan Penjamin

**JADUAL II : INSENTIF PEMBIAYAAN BIASISWA PENDIDIKAN ZAKAT PULAU PINANG**

(Perlu dibaca bersama dan sebahagian daripada Perjanjian ini)

**KATEGORI KEDUA : K4(ii)**

Pencapaian Purata Nilai Gred Semasa (PNG)	Yuran Asas	Yuran Pengajian	Yuran Peperiksaan	Yuran Asrama	Elaun Sara Diri
3.00 dan ke atas	X	/	X	X	X
2.50 – 2.99	X	X	X	X	X
2.49 dan ke bawah	X	X	X	X	X

.....  
Tandatangan Pelajar.....  
Tandatangan Penjamin

**JADUAL III : PERINCIAN KOS BIASISWA PENDIDIKAN ZAKAT PULAU PINANG**

(Perlu dibaca bersama dan sebahagian daripada Perjanjian ini)

			Diploma Pengurusan Halal							
			Sem 1	Sem 2	Sem 3	Sem 4	Sem 5	Sem 6	Sem 7	1 Program
			RM	RM	RM	RM	RM	RM	RM	RM
1	Pendaftaran	(1 Semester)	150	150	150	150	150	150	150	1,050
2	Hemat Diri	(1 Kali Sepanjang Pengajian)	200							200
3	Konvokesyen	(1 Kali Sepanjang Pengajian)	250							250
4	Pusat Sumber	(1 Semester)	70	70	70	70	70	70		420
5	Makmal Komputer	(1 Semester)	120	120	120	120	120	120		720
6	Aktiviti Pelajar	(1 Semester)	50	50	50	50	50	50		300
7	Insuran	(1 Tahun)	80			80			80	240
8	Yuran PIDL	(1 Tahun)	30			30			30	90
9	Peperiksaan	(1 Kursus = RM50)	300	350	150	300	300	150		1,550
10	Asrama	(1 Semester / Jika Berkaitan)	660	660	660	660	660	660	660	4,620
<b>Jumlah Perlu Dibayar Sendiri</b>			<b>1,910</b>	<b>1,400</b>	<b>1,200</b>	<b>1,460</b>	<b>1,350</b>	<b>1,200</b>	<b>920</b>	<b>9,440</b>
11	Pengajian :-	(1 Kredit = RM85)								
		(1 Kursus / 3 Kredit = RM255)	1,445	1,615	595	1,530	1,530	765	510	7,990
<b>Jumlah Dibiayai Biasiswa</b>			<b>1,445</b>	<b>1,615</b>	<b>595</b>	<b>1,530</b>	<b>1,530</b>	<b>765</b>	<b>510</b>	<b>7,990</b>
<b>Jumlah Keseluruhan</b>			<b>3,355</b>	<b>3,015</b>	<b>1,795</b>	<b>2,990</b>	<b>2,880</b>	<b>1,965</b>	<b>1,430</b>	<b>17,430</b>
			94 Kredit							
			32 Kursus							

.....  
Tandatangan Pelajar.....  
Tandatangan Penjamin

PADA YANG MENYAKSIKAN DI ATAS, pihak-pihak yang tersebut dalam Perjanjian ini telah menurunkan tandatangan mereka pada hari dan tahun yang dinyatakan.

**PELAJAR**

Tandatangan :

Nama :

**DI HADAPAN SAKSI**

Tandatangan :

Nama :

Alamat :

Pekerjaan :


No. KP :

Cop Rasmi :

**PENJAMIN**

Tandatangan :

Nama :



**LAMPIRAN SALINAN DOKUMEN**

BIL	SALINAN FOTOKOPI YANG TELAH DISAHKAN
1	Salinan Kad Pengenalan Pelajar
2	Salinan Kad Pengenalan Bapa / Penjaga
3	Salinan Kad Pengenalan Ibu
4	Salinan Kad Pengenalan Penjamin (Jika Penjamin Bukan Ibu / Bapa / Penjaga)
5	Salinan Sijil Kematian Ibu / Bapa (Jika Berkaitan)
6	Salinan Surat Perakuan Cerai Ibu / Bapa (Jika Berkaitan)
7	Salinan Slip Gaji / Surat Pengesahan Pendapatan / Surat Pengesahan Tidak Bekerja Bapa atau Penjaga
8	Salinan Slip Gaji / Surat Pengesahan Pendapatan / Surat Pengesahan Tidak Bekerja Ibu
9	Salinan Slip Gaji / Surat Pengesahan Pendapatan Penjamin (Jika Penjamin Bukan Ibu / Bapa / Penjaga)
10	Surat Pengesahan Pemastautinan Pelajar / Bapa / Ibu / Penjaga (Jika Alamat Di Kad Pengenalan Berlainan Dengan Tempat Tinggal)
11	Surat Pengesahan Majikan Bapa / Ibu / Penjaga / Penjamin
12	Surat Tawaran Biasiswa Pendidikan ZPP-KITAB
13	Sekeping Gambar Berukuran Pasport (Dilekat Pada Muka Hadapan Dokumen Perjanjian)

Nota: Semua Salinan Dokumen perlu dilampirkan bersama dalam Perjanjian ini.

